

國朝典故 卷五十一
尹氏撰續綱目發明而才力不逮尚未克爲姑記
其要以俟能者

國朝典故卷之五十一

終

國朝典故卷之五十二

蹇忠定公義善書

文皇手授金龍文牋命書外國詔偶落一字請曰臣
敬畏之深輒復有此

文皇曰朕亦有之此紙難得姑註之耳對曰示信遠
人豈以是惜深然之後授以牋更書之

文皇喜漢王英勇乃私召問隆平侯張信信絕然對
曰事干天常豈易爲邪

文皇大怒拔劍擊折信蓓衣盡血漬少焉賜更新衣



曰直臣也事遂寢

解學士縉應制題虎顧衆彪圖曰虎為百獸尊誰敢觸其怒惟有父子情一步一回顧

文皇素不喜

仁宗感此詩甚思時

仁宗留守南京頗懷憂虞因命所親信者莫如夏原吉耶日往迎之可謂得諷體矣


夏忠靖公原吉嘗得賜古硯冬月吏炙冰破甚恐公知召喻之曰受賜不加愛惜吾之罪也釋之又嘗於驛中天甚寒驛人偶焚隻鞞公知笑曰隻

鞞何用不加責且以其所遺者賜之

詠螭首詩後四句云昂昂飽歷風霜古默默深承雨露滋寄語群飛諸燕雀好來相近莫相疑人議公太和蓋性度寬大其言如此

文皇晏駕於榆木川楊文敏公榮金文靖公幼孜恐事洩盡取軍中錫噐容為殮具覆以龍衣日進膳如故錫工盡除以滅其迹至京師人未之知也

楊文定公溥執政時其子自鄉來云道出江陵獨不為縣令所禮乃天台范公理也文定深重之即擢為德安知府再擢貴州左布政使或勸當致書



范公曰宰相爲朝廷用人非私於理也聞文定卒乃祭而哭之以謝知己

孫原貞舉進士以實錄事至杭屬學諸生給事筆硯時于蕭愍公謙在列進曰學校之設將養賢以爲用邪抑供事書辦邪孫下席迎上坐謝過遂與定交公居大位薦孫爲知己

于蕭愍公謙爲兵部尚書當已巳之變議者請燒通州倉以絕虜望公曰國之命脉民之膏脂顧不惜邪傳示城中有力者恣取之數日粟盡入城矣給事中王竑廷擊馬順隨毛常流血禁庭

鄭王驚起李侃攬御衣向座曰殿下當命臣等討賊豈宜避去乃止

英王自北狩回群臣請車駕出迎

景帝不欲莫敢復言李公侃命家人具棺以諫夫人問所以公以事告夫人曰但諫勿憂也公跡云夷虜且知尊王何乃自輕邪下群議同許之

魏文靖公驥嘗以俸金百兩委人爲其家僕盡易之公竟不言他日事覺鞠出金還公其主使始知公嘗語人爲子者當永名醫厚結之親有疾則信之必專彼召之必速來也



公爲尚書北還一小舟常阻於要津其子稍設儀仗公見即命撤去曰豈藉重於是邪

公致仕時往於田值御史官舟分岸引纜而行御史怪問曰魏驥又問曰蕭山魏驥又問曰尚書歸老蕭山魏驥也御史惶恐謝罪


尚書徐公瞻少爲刀筆吏縣有卒伍捕讞發誤勾攝者欲公脫之夜飲公於家以他事出避其妻有美色令勸酒以悅之公不能留明日抱案已脫勾攝且語其人曰吾昨歸恐汝疑故速致此鄉人服之

公爲兵部郎中一員外郎每因吏必嫚罵遇宿署請公代公不爲意其人卒於官親爲殮且厚贈之數年數因其邑令照拂其家公之于以蔭官尚寶孫中書舍人亦至通政

王忠肅公翺自兩廣召爲吏部尚書舟次濟寧都水主事法以先後叙過堰雖貴官不得越人怪之公曰彼立法安忍壞之至吏部郎調爲考功主事人兩賢之

公在吏部門無請託太平侯時與

上鞠戲自意可請會朝退從公後徐呼王叔問爲誰



侯以名自通方以事啓公不顧作厲聲曰不諳事
侯惶恐而退

公之夫人爲其從子請官舉觴跽進公大怒起手
擊夫人於地卽出隨使人返慰之事卒不行


禮部尚書姚公夔天順癸未春知貢舉試院災天
王皇死者相藉請諭祭於郊祭畢自謂不能致防
殃及賢俊拜於地慟哭觀者以萬教哀震數里

王文端公直在吏部時其子爲南京國學博士考
績在部文選郎中欲留待公改北學公不可曰是
亂法自我始矣

岳正字季方爲翰林修撰

英廟甚重之嘗曰好個岳正只是大膽後謫戍召還
自題其像曰好箇岳正只是大膽從今以後再敢
不敢公性不能容人或謂公曰不聞宰相腹中撐
舟乎曰順撐來可容使縱橫來安容得邪

威寧伯王公越都御史總制北伐時嘗親視諸軍
食飲數賜酒肉動息必悉其情至犯令不少貸每
暇命出獵計矢中禽之多寡於敵陣爲先後有將
官告姦受金者置之許出死力不問於是將士感
泣無不用命者



都御史韓公雍征大藤峽出兵令五鼓戰將領者聞賊已覺恐遲失事二更即發大破之公賞其功而問以違令之罪以軍法當斬乃具聞請釋曰萬一不用命而敗奈何人謂公得將將之體

聞有一郡守治酒且進用長盒納妓於內徑入幕府公知必有隱物召郡守入啓盒令妓奉酒畢仍納於盒中隨太守出此見公之濶大如此亦一時之權術也若大體禁嚴此物奚宜至哉

公與夏公塤飲各出酒令公欲一字內有大人小人復以諺語二句証之曰傘字有五人下列衆小入上待一大人所謂有福之人人服事無福之人服事人夏云爽字有五人旁列衆小人中藏一大人所謂人前莫說人長短始信人中更有人周文襄公忱巡撫江南時嘗去騶從入田野間與村夫野老相語問民間疾苦每坐一處使聚而言之惟恐其不得盡也

劉東山公大夏爲廣東布政至新會縣時具廷舉爲令公到久乃迎告以鄒智殮事故迎遲時鄒以名士出謫公亦重之不怪其遲且嘉其賢東山公當發戍氈帽布袍徒步過




大明門匍匐頓首乃行策一蹇驢赴戍所時以兵部尚書謫發莫不加禮不欲至戍公曰大夏有罪不加之誅今復不服役邪被甲持銳與諸卒無異莫不歎服

都御史楊公繼宗居憂時闈宦汪直以權幸延攬名士聞楊公治郡名往弔公衰經於墳所直趨至墳拜起手持公鬚曰此聞楊繼宗名今貌乃爾公曰繼宗鄙陋但虧體辱親未之敢也直不復敢言直時威震海內不屈者公一人耳

麻城李文祥將覆試大學士萬安欲託以孫因許及第文祥以正對安怒其孫延於別館有畫鳩屬題其末句云春來風雨尋常事莫把天恩作已恩後以事左遷渡河冰泮溺死

屠公瀟爲御史時直門下彈劾有夷人來朝偶仆跌不起公傳奏云有夷人俯伏不起若欲奏而不能言俟扶具疏以聞人謂識大體

吳文定公寬爲修譔時有同年賀恩寢疾將不起欲易簀託於公之旁廡公即掃室請遷及卒奉殮於中堂使子衣衰以答弔者又故人之子有事於京者書託公主之父而有疾不起爲棺殮及檢帳



有輸官銀若干盡喪於媼家公爲如數償之遣人送喪歸

倪文毅公岳初爲禮部尚書值遣祭金闕王闕真人奏曰徐知證知詳唐叛臣之裔也祀典不敢議廢但歲時典祀一寺官之職耳宗伯何與焉遂爲令


章公懋爲南京國子監祭酒有監生請假託言一力採薪不至將往求之公聞之愕然曰薪水之資脫有失柰何憂動顏色使亟求且冀得之當復我此生甚悔曰公待我以誠柰何詒之明日返命其實

謝罪

儲侍郎囁易簪時夫人以公落髮與鬚指爪甲及頭垢各囊盛爲殮其愛親敬身可謂全歸矣

劉少傅陳留公忠爲南京吏部尚書時因司屬王主事常之父致政家居素奢而漸貧乏乃遺白金二十兩與常奉親曰恐汝父奉養不悅汝欲曲意以養則變節之事有矣幸勿改節


何編修瑋當劉瑾用事諸司有事必往見約相見長揖不得與諸司同其僚以事謁瑾畏其勢不覺屈跪何公疾聲曰禮惟長揖何以爲此瑾曰先生




之言是不敢少有屈攝

朱尚書希周初舉狀元略無喜色後歸里惟徒行人甚噀之後爲禮部侍郎家載席一車爲公買宅進都城宦者阻之且云必得一刺以別真僞公弗許家人云必入乃得利公曰不得利又何傷乎竟止於外平時居翰林人多謂無所可否不知公於大節處無間毫髮平生未嘗知與人較官之遷轉升沈皆無所與後擢南京吏部尚書人曰不遷是無天理矣及考劾諸司銖兩甚平有敗職詆公託有力者爲援

命下詰之公不辯請以疾去人至是益服吳俗淳薄吳文定公舉壬辰狀元大宗伯毛公舉癸丑狀元公舉丙辰狀元皆厚德直操人不可及非風氣所能染也






國立中央圖書館 國家圖書館 NATIONAL CENTRAL LIBRARY, TAIWAN, R.O.C.

國朝典古

卷五十二


九




TIFFEN Color Control Patches

Centimeters 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

Blue Cyan Green Yellow Red Magenta White 3/Color Black




國立中央圖書館 國立中央圖書館, TAIWAN, R.O.C.





國立中央圖書館, NATIONAL CENTRAL LIBRARY, TAIWAN, R.O.C.



Inches

Centimetres

TIFFEN Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
1	2	3	4	5	6	7	8	9

1 2 3 4 5 6 7 8 9 10 11 12 13 14 15 16 17 18 19 8